

BATAKURU PUULUSA HAA E TIITUUSA

1 ¹ Immorde e an min Puulusa, nduu kurkaadu Alla e *sahaabaajo mo Iisaa Almasiihu on tod̄dii fii tiid̄ingol gomdinal ̄en ̄e Alla subii, adda ̄e e goonga nawraydo e wuuirigol no Alla faaliraa non, ² fii yo ̄e hebu tama'u *ngurndan poomayankejan dan, dun kodan ngurndan dan fodanoden ko adii saa'iiji din fuddaade, immorde e Alla, on mo faayataa. ³ E saa'i tod̄daado on, o banginiri daaluyee makko on waajuuji di mi halfinaa waajagol din, wano kanko Alla Dandoowo en on o yamiriri non.

⁴ Mi salminii ma yo Tiituusa, an oo bid̄do an tigi e nder gomdinal ngal hawtuden ngal. Yo Alla Baabaajo on e Iisaa Almasiihu hisinoowo en on yede yurmeende e buttu.

Fii Golle Tiituusa den ka Suriire Kereeti

⁵ Ko mi accir-maa Kereeti ton, ko fii yo a gaynito fewnitagol ko heddi feewaali kon, joddinaa kadi e saare kala ardotoobe *moftal ngal, wano mi hollir-maa non. ⁶ Mo kala e mab̄be non no haani wonude aaden mo felnaaki, hara ko yondinordo debbo gooto, hara kadi bib̄be mab̄be ̄en ko gomdinbe, e maanaa hara ̄e waawetaake toojireede angal peewal maa angal doftaare. ⁷ Awa no haani ka tawata ardotoodo dental ngal felnaaki, ko fii himo halfinaa ardagol ̄eynguure Alla nden, ko dun wadi si hara hinaa mawnintiniido, hinaa seytinoowo, hinaa yaroowo, hinaa jaafudo, hinaa dabbiroowo miile, ⁸ kono yo taw ko o wernoowo hob̄be, yidudo ko moyyi, nawrudo ngurndan mun dan faamu, feewudo, laabudo, waawudo hoore mun, ⁹ hara kadi ko o catiido e daaluyee haqiiqaajo on, hara ko no yaadiri e ko o jannaa kon, dun o waaway wakkilinirde heddiibe ̄en jannde sellunde nden, e hollugol liddotoobe nden jannde ̄en ellaaji mab̄be din.

¹⁰ Ko fii buy ko murtube, yewtooþe yewtereeji mehi, daynooþe, tentinii þen wonþe e hakkunde *Yahuudiyankeebé gomdinþe, catii e *sunninegol þen. ¹¹ Awa yo kundule mabþe den ombe, ko fii hibe jiibabeynguureeji goo fow jannirgol be ko haanaaka janneede fii hebirgol angal nundal. ¹² Goddo e mabþe, mo þe wi'i ko annabaajo, no wi'i wonde, þe Kereeti þen ko fenoþe, ko þe kulle hunyude, reeredube, puyþe. ¹³ Nden seeditoore-le ko goonga. Kodun wadi bee feliraa þe no sattiri fii no þe hebira gomdinal laabungal, ¹⁴ e no þe accira humagol e tindi Yahuudiyankeebé þen, e yamirooje iwrude e yimþe þe tawata ko selube goonga on. ¹⁵ Laabube þen kan, ko woni woo no laabani dun, kono yimþe tuunube þe gomdinaa þen, hay huunde laabanaa dun, ko fii hakkillaaji mabþe din e berde mabþe den no tuuninaa. ¹⁶ Hibe wi'i kobe andubé Alla, kono kuude mabþe den no yeddi dun, ko fii ko þe harmube, murtube, þe waawataa laatinde kala kuugal moyyal.

Fii no Tiituusa Haani Waajorde Moftal ngal

2 ¹ An non yewtu ko yaadi e jannde sellunde nden kon, ² wi'aa mawþe þen, yo þe wonu waawube hoore mabþe, teddintoþe, hara wonaa ubbitooþe, kono hara ko tabitube e gomdinal ngal e nder giggol e ñajnaare.

³ Yo woniran non kadi yummiraabe þen, hara jikku mabþe on ko moyyo, hara þe wonaali jo'oþe, maa yaroþe, þe wona e jannugol ko moyyi, ⁴ hara þe waajoto sukaabe rewþe þen yidugol moodibþe mabþe þen e bibþe mabþe þen. ⁵ Hara ko e nder faamu þe nawri ngurndan mabþe dan no laabiri, e no þe wonira jom-suuduþe moyyuþe, e no þe yankinorana moodibþe mabþe þen, dun haray daaluyee Alla on hoynetaake.

⁶ Yamiraakadi sukaabe worþe þen nawrugol ngurndan mabþe dan e nder faamu. ⁷ E kala huunde hida haani wonande þe misal e wadugol kuude moyye. E nder ko jannataa kon, janniraa nundal e teddungal, ⁸ e yo kongudi maa din wonu

selludî, dî aybintaako, fii no liddotoobe en ben hersira, tawa ïe waawataa hebude bone woo mo ïe wowla en.

⁹ Yamiraa kadi jiyaabe ben yankinanagol jeybe ïe ben e kala huunde, ïe dabba no ïe weltinira ïe, ïe reenoo e yeddondirgol e maâbe.¹⁰ Be reenoo kadi e nguyka, ïe bangina sella-findeyaagal timmungal, dun ïe teddinay gandal fii Alla Dandudo en on.

¹¹ Ko fii moyyere Alla nden, dun ko bündu kisiyee fii yimbe ben fow, feenii.

¹² Nden moyyere no ne'a en, hinde yulta en e kala ko Alla ani, hinde accintina en himmeeji aduna, dun en waaway nawrude ngurndan men dan fewndo doo e nder faamu e peewal e wano Alla faaliraa non,¹³ e nder ko tijjiden tama'u sollitudo on kon, dun ko feenugol mangural Alla men on e Dandoowo en on, dun ko Iisaa Almasiihu.¹⁴ O okkitirii hoore makko kanko tigi fii men, fii sottugol en e kala ko boni, fii labbinangol hoore makko jamaa subaado, himmando wadugol kuude moyyé.

¹⁵ Kodun haanudaa yewtude, wakkilinaa, felaa wa newnanaado yamirgol. Wota hay gooto yawito ma e dun!

Yamiroore fii Wadugol ko Moyyí

3 ¹ Andintin ïe hibe haani yankinanaade laamuji din e laamiibe ben, ïe doftoo ïe, ïe hebilanoo kala kuugal moyyal.² Wota ïe hoynu hay gooto, maa ïe wona yeddondirteebe, kono ïe wona moyyube, newiibe e telen-ma yimbe ben fow.³ Ko fii hari enen kadi ko en faada-hakkilbe, ïe doftotaako, daynaabe, maccube kala himmeeji e mbeleede neddanke, wuurube e nder hunyéendi e nawliigu, ajaabe, e ajindirbe.

⁴ Kono nde Alla, Dandudo en on, fejnini moyyuki makko kin e giggol makko ngol o yidi yimbe ben ngol,⁵ o dandi en, hinaa non bay en wadii kuude feewude, kono ko e iwrude e yurmeende makko nden. O dandiri en lootirgol en tagiteede,

heydintiniree *Ruuhu Seniido on.⁶ Ko Iisaa Almasiihu, Dandudo en on, Alla tippiniri on Ruuhu e hoore men haa heewi,⁷ fii no jogoreden feewube sabu moyfuki makko kin, e fii no waawiren ronirde *ngurndan poomayankejan dan tanyiniden dan.⁸ Koo ko mi wi'i doo ko haqiiqa. Mido faalaa yo a cato e dii piiji, fii no gomdinbe Alla ben fewtinira berde mun den e wadugol kuude moyfye den. Kodun woni ko moyfi kon e ko nafata yimbe ben kon.

⁹ Kono ko yo a reeno e yeddotire njofooje den e fii lasilankaaku e poodondiro e yeddondiro fii Sariya on, ko fii dun ko meere, aldaa e nafa.¹⁰ Kala wadoowo sendondiral, si a hajike mo nde wootere haa laabi didi, o jabaali, pottin mo takko maa.¹¹ Hida waawi fellitude sifa on neddo koboyliido, junuubankeejo, on jaawanii hoore mun.

Fii Yamiroore Puulusa Sakkitorde nden

¹² Tuma mi imminoyi oo wi'eteedo Artemaasi maa Tikiiki haa e maa, haray eto araa tawaa mi Nikopooli, ko fii ko don mi aadii wadugol ndungu ngun.

¹³ Wattanaa yiila kadi fii wallitagol oo bambanoowo ka sariya wi'eteedo Zenaasi e Apoloosi, fii wota hay huunde yakkir be e nder yaadu mabbe ndun. ¹⁴ Bee kadi be men ben ekkitoo haa waawa wadugol kuude moyfye, fii wattangol yiila e kala sokola hittudo, dun haray ngurndan mabbe dan wonataa meerejan.¹⁵ Be mi wondi ben fow hiwrike ma. Mi salminii yidube en e nder gomdinai ben.

Yo moyfere Alla nden wonu e hoore mon on fow.